



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 185. Adornata ab Huniade in Turcas expeditio

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

utramque urbem interfecat, occupavit,
& muros feliciter transcendit.

Secul. XV.
A.C. 1448.

§. CLXXXIV.

Mainardus captivus abductus obit.

Podiebracius jam urbe potitus ignem *En. Sylv.*
extinguere, & domos flammaram vio- *hist. Boh. c. 28*
lentiae magis obnoxias solo æquare,
milites suos jubet: Resistentes passim tru-
cidantur, Mainardus quoque captus arcto
carceri addicitur, ibique tandem obit, si-
ve veneno, sive fame, sive, ut plerique pu-
tant, tædio confectus, cum jamjam pro-
vectæ ætatis senex esset. Ex illo tem-
pore Podiebracius urbis dominium, &
Regni administrationem sibi soli vendi-
cabat: Rochisana quoque, nullis licet
Papæ literis munitus esset, Pragensis Ec-
clesiæ Sedem invasit, & Archiepiscopi
munia obivit, necquidquam obluantibus
Udalrico Mainardi Filio, & altero Udalri-
co de Rosis Barone Catholico.

§. CLXXXV.

*Adornata ab Huniade in Turcas
expeditio.*

Inter hæc Joannes Huniades Hunga-
riæ Gubernator ignominiam prælii
Varnensis abolere, sui que nominis famam
refarcire maxime cupidus erat; hinc de-

O 4 lectu

Sæcul. XV. lectu militum facto, exercitum duorum
A C. 1448. ac viginti millium armatorum in Turcas
 eduxit. Georgium quoque Mysiæ Despotam in belli societatem vocare constituit, illo autem non ita pridem initum cum Amurate concordiam, quam frangere nollet, obtendente, Huniades per Bulgariam copias suas ducere compulsus est, comitante Bartholomæo Lapatio Florentino ex Ordine Prædicatorum, Episcopo Coronensi Sedis Apostolicæ Legato. Amurates Huniadis vires, iterque, quod susceperat, a Georgio edoctus, admoto octoginta millium exercitu hostem prævertit. Ad tam validi exercitus occursum vehementer obstupuit Huniades, expectabat tamen Scanderbegum Albanis Principem, prout inter eos convenerat, ab Illyrico Turcarum copias aggressurum. Nil reliquum erat, quam prælii discrimen experiri. Concurrente igitur utroque exercitu feria quinta die decima septima Octobris pari utrinque vincendi aviditate pugnatum est in vasto, planoque quodam campo, qui in Mysiæ & Bulgariæ fines longe, lateque excurrebat, atque ab Hungaris Rigomerzovia, a Rascianis vero Cosova, hoc est, campus Merulæ nominabatur.

§. CLXXXVI.